

Ethica Amoris, Sive Theologia Sanctorum, Magni Præsertim Augustini, Et Thomæ Aquinatis

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XXVIII. In communi pauperum necessitate danda est de superfluis
ad decentiam statûs eleëmosyna, non necessario huic vel illi determinate,
sed aliquibus indeterminate.

[urn:nbn:de:hbz:466:1-73203](#)

Sed difficultas est, an casu quo summa valde notabilis foret necessaria ad salvandam vitam proximi nihil habentis, in latronum manus v. g. dilapsi, qui innocentem crudeliter essent interfecturi, nisi summa illa (v. g. octo vel decem millium scutorum Romanorum) vita ipsius redimeretur, dives (cujus divitiae summam illam longe superarent) ad salvandam vitam ipsius teneretur eam dare; & supposito quod nollet, homo in extremitate illa constitutus, eam ipsi posset surripere?

²⁶⁵ Tamburinus l. 5. in Decalogum c. 1. adductis argumentis pro parte affirmativa, haec (inquit) mihi probabile faciunt, posse extremè indigentem surripere modo praedito pretiosa, & consequenter ex hujus opinionis vi, debere ea divitem elargiri. Sed quia contraria opinio, ut vidimus, probabilis est, ideo poterit dives eam sequi, & illa non tradere. Nec ideo datur bellum justum ex utraque parte absolutè; sed ex vi diveritarum opinionum probabilitum. Quod non esse inconveniens, omnes docemus. Sed fallitur Tamburinus, non docent hoc omnes. Et quid hoc est, nisi conscientias susque de que vertere, eodemque ex ore frigidum & calidum exsufflare? Sed hac de re plura to. I. lib. 11. ubi de opinione probabilis. Certè opinioni, quod dives tunc non teneatur, &c. favere non videtur. Ambrofius l. 1. offic. c. 20. cùm ait: *Grandis est culpa, si tempore periculis, quo proximus rapitur ad mortem, plus apud te pecunia tua valeat, quam vita moriunti.*

²⁶⁶ Aliud fortè videri posset, si ex illustri statu, datâ ejusmodi summa, ad vulgarem quis statum decidere deberet. Quo casu Coninck, Amicus, & alii putant, tanto cùm incommodo non obligari. Quia obligatio ista cederet in Reipublicæ detrimentum, cuius communi bono magis expedit illustris itatus plurimorum, quam aliquorum vita privatorum.

²⁶⁷ An probanda sit opinio ista, an improbanda? non est quod operosius tractemus: cùm casus tanta necessitatis, pro qua sublevanda necessaria sit summa tam notabilis, ut ex illustri statu ad vulgarem dejici quis deberet, adèr rarus sit, ut ferè metaphysicus sit, & rarissimè (si unquam) contingens. Unde nullum, suppositâ cùm obligatione, Reipubl. detrimentum. Cùm enim extrema necessitas vix unquam tam multum requirat ad sui sublevamen, vix unquam, si unquam, contingit, quod ad eam sublevandam dimittere oporteat statum illustrem.

CAPUT XXVII.

In gravi necessitate, tame si illicitum sit alienum invito domino surripere; dives tamen tenetur sub mortali proximo succurrere, etiam diminuendo aliquid de splendore statu.

sui, si necesse sit; dummodo decentia factus per hoc enormiter non ledatur.

Sic docent Major, Medina, Corduba, & 268 Bannes, Sylvius, & alii communis contra Dianam. Ex prima pars quidem in dubium revocari non potest, cùm propositio ista: *Permissum est furari, non solum in extrema necessitate, sed etiam in gravi,* sit trigesima-sexta ex damnatis ab Innocentio XI.

Secunda pars, quod utique dives teneat, 269 tunc proximo succurrere in gravi necessitate, constat ex Scripturis & Patribus c. 23. & 24. allegatis. Nec enim de extrema dumtaxat necessitate loquuntur (utpote rarâ) sed ceteram de gravi, & frequenti. Recolantur Augustini verba ex tr. 5. in 1. Joan. 3. *Esi sic (inquit) frater tuus, in necessitate positus est (non addit extremâ) à creditorre angustatur, &c. Quid ad me pertinet, foris dico.... Si hoc tibi responderit cor tuum, dilectio Patris non in te manet.* Matth. quoque 25. damndati dicuntur, qui cibum non dederint esurienti, nec potum sitienti, &c. Atqui esurientes, siti, nuditas, creditoris molestia, &c. mortis periculum raro habent annexum.

Tertia pars, quod dives ad id teneatur, 270 etiam cum aliqua diminutione splendoris sui statu, probatur 1^o. quia unusquisque teneatur diligere proximum sicut seipsum; adeò que ipsi facere, quod sibi rationabiliter vellet fieri in pari necessitate. Quis autem non vellet sibi in tali necessitate succurriri, etiam cum diminutione aliqua splendoris ex parte succurrentis? Quis (inquam) non velleret à molesta longe majore liberari, cum aliqua, sed minore, molestia liberantis?

2^o id vehementer insinuant sacra Elo- 271 quia suprà laudata ex Luc. 3. & 1. Joan. 3. sicut & verba ista Ambrofii l. 1. offic. c. 30. *Grandis culpa, si sciente te fidelis egas, si scias eum sine sumptu esse, fame laborare, aranam perpetui (qui præterim egere erubescat) si in causam ceciderit, aut captivitatis suorum, aut calumnia, & non adjuges; si sit in carcere, & panis, & suppliciis propter debitum aliquod iustus excrucietur.* Itis namque verbis non extrema, sed gravis necessitas describitur.

Non sum nescius, sanctum Thomam 2. 272 2. q. 32. a. 5. duos tantum casus assignare, quibus eleemosyna sub obligatione est, scilicet cùm extrema est necessitas, & cùm habetur superfluum. Sed ut suprà cap. 23. dixi, in responsione ad 3. perspicue ostendit tub extrema se grandem comprehendere.

CAPUT XXVIII.

In communi pauperum necessitate danda est de superfluis ad decentiam statu eleemosyna;

274

*non necessariò huic vel illi determinatè,
sed aliquibus indeterminatè.*

273 **P**robatur 1º quia Scripturæ testimonia suprà relata communem etiam necessitatem comprehendunt: siquidem esurientes, nuditas, communibus etiam pauperibus convenit, ipsorumque necessitas verè etiam necessitas est. Et idè ad fratres eam patientes extenditur, quod dilectus Christi Discipulus 1. Joan. 3. dicit: *Qui habuerit substantiam hujus mundi, & viaderat fratrem suum necessitatem habere, & clauserit viscera sua ab eo, quomodo charitas Dei manet in eo?* Sicut & quod addit ibidem: *Filioli non diligamus verbo, neque lingua, sed opere & veritate.*

274 2º Ad communes obviasque necessitates maximè extenditur monitum Apostoli: *Divitibus præcepit facilè tribuere. Neque enim facilè tribuit, qui extremam vel gravem necessitatem (utpote fatis raram) ad tribuendum expectat.*

275 3º Nobis ejusmodi paupertate oppressis de superfluis subveniri optaremus.

276 4º Ordo amoris postulat ut superflua nostra congruae sustentationi proximi postponamus.

277 5º SS. Patres id tradunt, dum indistincte aiunt, superflua pauperibus eroganda. Augustinus tr. 50. in Evang. Joan. *Si habebes superflua, da pauperibus tibi superflua sunt, sed Domini pedibus necessaria.* Serm. 61. alias 5. de verb. Dom. Non cogam divites cibis pauperum vilibus & inconditus vesci. Utantur divites consuetudine infirmitatis sua; sed doleant alter se non posse Conceditur tibi *Vtere pretiosi, da pauperibus vilia, qua tibi sunt superflua.* Quia, ut antè dixerat, *tua superflua, sunt pauperibus necessaria.* Gregorius Magnus 1. 3. Pastoral. Cur. admonit. 22. *Cum qualibet necessaria indigentibus ministramus, sua reddimus Terram fuculnea sine fructu occupat, quando mens tenacum hoc quod prodeesse multis poterat, inutiliter servat.* S. Thomas 2. 2. q. 87. a. 1. ad 4. *Dominus omnia superflua pauperibus jubet exhiberi.* Quo tensu q. 32. dicat, quod non omnis necessitas obligat ad præceptum suprà diximus, non obligare utique ad dandum huic potius quam illi determinate, dum non potest ab aliquo uno omnibus necessitatem habentibus subveniri.

278 Unde qui superflua in notabili quantitate habens, omnes communes pauperes repelleret, vel ita modicum iis tribueret, habbita ratione quantitatis superfluorum suorum, ut si alii pariter divites similiter facerent, communibus pauperibus sustentatio necessaria notabiliter deſſet, peccati mortaliter reus esset, prout benè Sylvius hic, & Natalis Alexander Theol. Dogmat. & Moral. to. 7. l. 3. c. 6. a. 9. reg. 10. post Cajetanum, Navarrum, & alios communissi-

mē, contra Vasquez, &c. alios, id durissimum existimantes. Cum ipsi econtra pauperibus durissimi sint, avarisque divitibus nimium indulgentes.

*Quod si mihi illud objiceris (ait Cajeta- 279
nus c. 6. de eleemos.) quod scilicet divi-
tum confessiones audiri non possent, & Confessores
damnationem incurrent, de eo scrupulam divi-
tibus non facientes, tametsi multi divites non
dissent, vel vis dem eleemosynam de superfluis in
communibus pauperum necessitatibus, nec quid-
quam ad eam dandam subtrahere velint, seu
diminuere de splendore statutis in gravitate necessita-
te.*

Respondeo cum eodem, cumque Arrago-
nio, Bannez, & aliis gravissimis Scriptoriis,
multos reverè Confessarios, ea in re
suo non satisfacere muneri, id è quo dam-
nari cum divitibus, quorum confessiones
audiunt. *Audi (inquit Cajetanus) Christum
in Evangelio divitibus dicentem: facilis est
camelum transire per foramen acris, quam di-
vitum intrare in regnum calorum. Confessori-
bus autem: si cacus caco ducatum prebeat,
ambo in foveam cadunt. Enimvero quis non
videt plerosque divites minus Deo servire
quam mammona? Quis non videt quam e. 280*

normiter vita ipforum exorbitet ab Evangelicis regulis, & suprà allatis Sanctorum docu-
mentis? Estne qui non videt, quam multi
divites in luxus vestium, conviviorum,
aedificiorum inutilium, intertentiam can-
num tuorum, &c. notabiles prodigere sum-
mas, dum interim gravibus proximorum
necessitatibus sibi notis succurrere negligunt,
& in communes pauperum necessitates nihil
aut vix nihil de superfluis suis impendunt?
At hos omnes in statu damnationis esse,
sacra nos Oracula, & Sanctorum testimonia
docent, & Innocentius XI. satis innuit,
dum propositionem duodecimam velut ut
minimum scandalosam, & in praxi pernicio-
sam condemnavit. Quam multi nihilominus
Confessarii id in divitibus illis dissimulant,
ipsoſque in damnabili illa praxi persistentes
abſolvunt, nec de eo ipſos vel interrogant
quidem. Væ ergo cæcis ambulantibus! vae
cæcis ducentibus!

Si & illud objiciatur, quod cùm neceſ- 281
fitas communis non sit necessitas magna,
eam non sublevare, non videatur peccatum
magnum.

Respondeo quod licet hujus vel illius ne-
cessitatem communem non sublevare, non
sit peccatum magnum; communem tamen,
vel omnium, vel plurimorum pauperum ne-
cessitatem non sublevare, cùm superflua no-
tabili in quantitate habeas, & inutiliter re-
tineas, vel in sumptus vanos & inanes ex-
pendas, id profecto peccatum est magnum.
Tum quia notabilem illam quantitatem,
utpote pauperibus debitam, in communes
eorum necessitates impendere tibi Deus pre-
cipit, cuius ei aurum & argentum tuum.
Tum

Tum quia si alii divites ; superflua pariter habentes , communes pauperes ut tu negligerent , eorum necessitas parva fieret magna. Tum denique quia licet singulæ communium pauperum necessitates per se non sunt miseria magna ; multæ tamen simul junctæ , nec elevatae , efficiunt in Republica miseriā magnam : quemadmodū multa farta parva , pluribus personis facta , v. g. per pondera justo minora , simul juncta efficiunt in Republica injustitiam magnam.

282 Si denique petas , quantum pauperibus dare oporteat ? citò rōpondeo : omnia superflua . Audi (inquit S. Thomas à Villanova conc. 2. de S. Martino) audi Joannem : „ Qui habet duas tunicas , det unam non habenti , & qui habet escas , similiter faciat . „ Dices forsitan , dare medietatem multum est , sunt mihi uxor & familia , quas nutriam . His omnibus reliqua non sufficiet . Nolo ad ratiocinum te adducere . Sicut filio suo Tobias consuluit : „ quomodo potueris , ita esto misericors . Si multum tibi fuerit , abundanter tribue . „ Si exiguum tibi fuerit , etiam exiguum libenter impertiri stude . „ Divites , qui filios habent , quibus providere volunt , inter illos (juxta doctrinam Patrum , fundatam in dictis Christi) debent computare Christum in suis pauperibus , velut unam ex prolibus suis , eique portionem aliarum prolium portioni æqualem confignare . Ita S. Cyprianus serm. de eleemosyna . Hieronymus epist. ad Furiam . Augustinus de decem chordis cap. 12. & serm. 49. de divers. Cæsariis , aliisque Patres .

283 Id super omnia cave , ne , nimis molliter & delicate vivendo , nullam vel modicam pauperum curam habeas . Qui mollier & delicate vivere instaurerunt (ait S. Gregorius Nyssenus orat. I. de pauperib. amand.) necessario ad excogitandas magnificas edificationes apparatus aliciuntur . In his coniunctuendas & exornandas maxima vis pecuniarum profunditur . Ad hac cœtus hominum libenter convocant , & invitant , splendidae & variae suppellestilem studiosè comparant , innumerabilia pectorum genera , scurras , mimos , cybaristas , cantores , canarices , saltatores , saltatrices , totum denique petulantia ludum . Aque dum hæc intus geruntur , assident ad vestibules foras innumerabiles Lazaris , partim gravibus ulceribus pleni , partim oculis orbati , partim pedibus mutili . Conclamant , nec tam exaudiuntur . Si Deus hoc aspicit , ut profecto aspicit , quem exitum fore cogitatis , o pauperum inimici ! An nescitis horum causâ in sacro Evangelio ponit & commemorari exempla omnia horrenda & terribilia ? Quare ? quia rapina est (ait Chrysostomus conc. II. de Lazaro) de suis facultatibus pauperibus non impartiri . Quapropter Deus accu-

sans Judeos per Prophetam , ait : ... rapina patperis est in dominibus vestris . . . Quoniam rapinatis ea qua sunt pauperum . Ita divites affatur per Malachiam Prophetam , ut intelligane divites , se se res pauperum possidere , etiam si ex paterna hereditate eis obvenient , etiam si aliquide pecunias ex aquo & bono conflaverint . Et alibi : Ne spoliis vitam pauperis . Qui autem spoliat , intervertit aliena . Nam spoliatio quedam admittitur à nobis , cum aliena rapimus & detinemus . Unde discimus , nos , si eleemosynæ præceptum infregerimus , eodem supplicio affectum iri , quo raptore & spoliatores affici solent . Nostra facultates , undecumque obvenerint , illius sunt Domini , cuius obsequio mancipati sumus . Quod si eas egenibus erogaverimus , maximas opes procul dubio inde capiemus . Ideo enim uberiores divitias nobis induxit Deus , non ut eas in scortationes , in temulentiam , in ingluviem , superbisque uestes , fadamaque molitiam effunderemus , sed egenis & calamitosis earum largitione succurreremus . Quemadmodum enim regalis ararii cupos , si commissari sibi pecunias illis ipsis , quibus est ius sui , impariiri neglexerit , sed in suis contulerit voluptates & delicias , plebitur & exanthoratur ; ita vir dives se se gerere debet ad instar Questoris circujssiam , qui ab ipso Deo pecunias pauperibus ergandas accepert . Quapropter si majorem ejusmodi pecuniarum copiam , quam posset sua ipsius necessitas , suos in usus convertat , se gravissime plebitum esse noverit . Non enim ejus sunt qua possidet , sed conservorum , quos egestas afflixerit . Parcamus igitur nostris opibus , ut alienis , ut verè in nostram possessionem transeat . . . Parcamus , si eas non contulerimus in sumptu superfluos , nec in nostris dumtaxat usus converterimus , sed in manus pauperum effuderimus . Nam quantumvis opulentus fueris , crediarum tibi pecuniarum redditurus es rationem , si ex eis impenderis plus quam tua necessitas postularerit . . . Non enim plura ceteris accepta bona , ut solus ea consumeres , sed ut ea indigentibus proximis impariendo , boni dispensatoris gloriam tibi comparares . Plena sunt similibus sententiis sanctorum Patrum volumina . Ex iis vero Natalis Alexander reg. 8. concludit , dixitum Confessarios in maximo suæ salutis periculo versari , si absolvant eos , qui superflua sua pauperibus , etiam communem duntaxat necessitatem patientibus , non erogant . Quod profecto ipsis non suaderet tantum , sed præcipere , & à Deo præceptum (inquit) significare tenentur , uti Pastoribus in persona Timothei prescripsit Apostolus I. Timoth. 6. Et licet merum id consilium esset Recentiores quidam , inhumanæ cupiditatis adulatores , effutierint , Christus , Propheta , Apostoli , SS. Patres præ ipsis audiendi sunt .